

Anpao Kin.

THE DAYBREAK.

"Wankantanhan Anpao kin hiyouhipi."—Luke 1. 78.

VOL. XV

FOREST CITY, S. D., AUGUST, 1899.

NO. 11

ANPAO KIN.

ANPAO KIN wi iyohina, wiyawapi anpetu tokaheya eca mazaakdirpeyapi.

WI XAKPE on kapi, qa wi iyohina akezaptan (15) aokpani xui, ptayena partapi, wicacaje wanjina eka hiyukiyaapi kta cinpi kinhan, icupi kin iyohina kaxpapi wanji (10c) on kajupupi kta.

WIXAKPE on kapi, qa wi iyohina wanjina icupi kta cinpi kin, kaxpapi wanji sanm okise (15) on kajupupi kta.

Icupi xni itokab kdajupupi kta. Wowapi askabyapi maxaxana wanji qalx nonpa owapi kin, mazaska eekiya, ANPAO KIN opeton okilipi kta.

Tuwa wowapi kagin kta eca wowapi skasani el owa kta.

Opetonpi kta wowapi hiyukiyaapi qalx ed taku oyakapi kta cinpi na hiyukiyaapi eca, wowapi ojuha akand deced owapi kta.

REV. E. ASHLEY,

CHEYENNE RIVER AGENCY, S. D.

Yawaxteya Cajeyatapi Wowapi Wan.

ANPAO KIN iekoyagunyanpi qa wicoran waxte econ iyounpaxtakapi kta wookilhi yuha. Okolakiciye-wakan opapi tka abebeya tipi kin, hena iyotan taokiye waxte heca kta. Bixop waun kin eciyatanhan, taku ecamon onxpaxpa oyakapi qa taku bduotanin kta wacin kin hena owasin, qa Tipiwakan iyaza omawani woyakapi kin hena, qa nakun Okolakiciye-wakan kin wotanin tawa toktokeca ed kagapi kta. Oyate unkitawapi kin owasin ANPAO KIN icupi qa sanm wicaxa toktokeca wicacupi ulu ecamni.

W. H. HARE,

Yewicaxipi Bixop

WANYAKA POI

Tokata September wi wiyawapi 15, 1899, Yankton Agency eka, Niobrara Convocation kin he le eciyatanhan omniciye econwicasipi.

W. H. Hare,

Rev. H. Burt, Bishop
Secretary

Yuwicake.

N. B. — Nakun iyehan, Winyan Omniciye na St. Andrew Sunkakiciyapi kin is eya mniciyapi kta wicakicopi.

Sioux Falls, South Dakota,
June 20, 1899

Lakota oyate egna, winyan tona Okolakiciye Wakan opapi kin le cicigapi:

Lakota winyan kin hena wicohan tanka econpi ece, na heon Wakantanka wopila ewakiya. Wowastelake on heconpi kinhan Wakantanka tohinni aktontin kta sni, na Iye hecel wicohan tanka kin he okihiwicakiye cin on wopila ewakiya ecee.

Convocation omniciye eka, winyanpi kin mazaska tona mnayanpi na taku on na tona kicunpi kin, Wicasa Wakan tawapi kin owicakiyakapi sni kin heon woškiška ecee. Eya tokel ieska wayapikapi eša, takomni oškiškapi na taku yušnapi ece.

Heon etanhan, Winyan

kin hena Convocation eka mazaska tona ahipi na taku on kicunpi kta cin, iyehantu sni ecel Wošna kaga iwicayunge wicawaši, na iye onspewicakiyapi kin oga mazaska tona mnayanpi na ahipi kin tokel kin kiyušu egnakapi kta cin wowapi wan el kagapi kta; nahan Winyan mazaska tona na iyayustag wowapi kin yuha hipi sni kinhan mazaska kin hena iwacu kta sni o waktawicawaye lo.

Ecana Convocation econpi kta cin on wanna cantewasťeya ewacannipi naceca, kinhan omniciye kin he on wocekiye ečapi nin ecanmi.

Nitakola wacinyepica,

W. H. Hare,

Bishop

Iwankab Convocation Omniciye econpi kta wayuotaninpi kin eciyatanhan St. Andrew Sunkakiciyapi kin is eya iyehan omniciye econpi kta eca wicakicopi kin on, le eciyatanhan St. Andrew's Provincial Chapter mniciyewicasipi, September 15-18 icunhan. Chapter iyohila etanhan yamni-mni kałnił uwicasipi kta. Nahan tona akab hipi kinhan omniciye el opa okilipi kta. Omniciye kin le el takuku cajeyatapi na iwoglakapi kta unkuwapi tka, tokeša toketu kinhan Anpao September wi wiyawapi tokaheya kagapi kta cin el yaotaninpi kta.

E. Ashley,

President Prov. Chapter

OKOLAKICIYE WAKAN WOTANIN.

Tokata October 24th St. Louis (Minišoše iyułloke) eka Yewicasipi Omniciye (Missionary Council) econpi kta. Itokab Anpetu Wakan kin he Oct. 22 kinhan wakan cekiyapi kin el el Yewicasipi on wahokonwicakiyapi kta.

Le omaka kin lehanyan Anpetu wakan owayawapi kin hena Yewicasipi wicohan kin on mazaska 77,193.34 mnayanpi. Eya ota takunni mnayanpi sni tka tona heconpi kin lila pilawicayapi na pilaičiyapi.

United States el Swedish wicasa wakan aketopa wicunyahapi na hena oyasin taoyatepi kin egna škanpi.

Lecala Saglaša makoce kin el Wicasa wakan yamni Yewicasipi

Bishop hecapi kta e wicayuwakanpi. Wanji Madras, India el, wanji Mombasa, Africa el na wanji Madagascar eka yin kta.

Tokata Oct. 19-22 kinhan St. Andrew Sunkakiciyapi kin he Columbus, Ohio eka omaka iaketopa omniciye econpi kta. Lakota eka Chapter tona yukanpi kin omniciye kin le eka kałnił yewicasipi okilipi-wikcemna opapi iyohila on koškalaka wanji na akam wanji el opapi kta pica. Hecel wanna iyukcanpi kta e kipi.

Hekta lecala Haliatonwan koškalaka wanji, Edward C. Hunter (Kah-o-sed) eciyapi Duluth obašpe el Deacon kagapi.

Tokata omaka kin el Yewicasipi wicohan ataya on makowan-cayatanhan omniciye tanka wan econpi kta cin el Benj. Harrison, Tunkanšilayapi qon he, he itancan kta e wanna kałnigapi.

Hekta June 22 Vermillion, S. D. eka Mr. Budlong Deacon kagapi, nahan June 26 Holwoju eka, St. John Tipi wakan el Mr. Percy I. Philips Deacon kagapi. Nopin Bishop Hare wicakaga.

Rev. A. L. Williams, Chicago etanhan Nebraska obašpe el Bishop ookiye on kałnigapi qon, wanna wicohan kin he icu kta keya. Tokeša Bishop unmapi kin na Standing Committee kin hecetulapi kinhan tokata Sep. 29 yuwakanpi kta naceca.

Lecala July 13 Portsmouth, Va. eka Rev. J. B. Funsten, Boise obašpe kin on Yewicasipi Bishop on yuwakanpi.

Hekta Yewicasipi omniciye (Board of Mission) kin he mniciyapi el, North Dakota obašpe kin he Lakota egna škan kin on omaka kin le mazaska opawinge yamni akab owicakiyapi keyapi.

Kansas obašpe kin el lecala Sina Sapa wošna kaga wan titokan gli na heceglia Priest econsi.

China makoce kin el, hekta omaka icunhan Wowapi wakan heca 795,000 wiyopeyapi. Hekta omaka tona qon China oyate kin Wowapi wakan kin lila kipajinpi, tka lehan lila cinpi seelececa. Wiyukcanpi kin eciyatanhan omaka kin le icunhan sam lila ota wiyopeyapi kta kecinpi.

Lecala Saglaša okolakiciye etan Bishop oyasin mniciyapi na takuku okolakiciye iwaste kta he iwo-glakapi.

Saglaša makoce eka Bishop Tozer eciyapi lecala te. Bishop kin le Africa el Yewicasipi Bishop heca waniyetu ota wowasiye econ. Tehan škan kin ohakab enakiya na tiyata gli tka ohinni wayazanke cin on wicohan takunni econ okilhi sni.

Wocekiye wowapi unkitawapi he wowase tanka. Eya wowapi wakan kin he iyotan unlapi, na iyokiheya wocekiye wowapi te-unlinlapi. Okolakiciye wakan igluska sni itokab wocekiye wocon oyasin Latin iapi oga eyapi ece, lehanyan Sina Sapa tokel wacekiyapi kin ognayan, tka Okolakiciye igluska na wayaka etanhan glinape con lecel ičiconze, "Tipi wakan oga iapi wan oyate okalinigapi sni, oga Omniciye kin el Cekiyapi, nais Wakiconzapi wicacupi kin, he Okolakiciye Otokahe eka wicohan tawa sni, na Wakantanka toie kin awicakehan ognaye sni." Heon etanhan omaka 1549 na Anpetu wakan ska he ehan tokaheya wocekiya wowapi ieska unpi. Eya itahena wicasa hunh wocekiye wowapi unpi kin he iyowicakipi sni na tuwa wowapi wan on cekiyate cante kin on econ sni eyapi, tka olowan wowapi unpi ece. Wocekiye wowapi ilagyapi he šice cinhan nakun olowan unpi kta he šice. Olowan wowapi kin heca oyube waste kinhan nakun wocekiye wowapi oyube waste. Okolakiciye wocekiye wocon yuieska itahena wicasa ota awastelakapi nahan okolakiciye toktokeca tokel cinyan kałnił icupi na ilagyapi. Iyunkan lecala wicasa wakan wan, Rev. Dr. Lyman Abbott, Congregational okolakiciye etanhan woglaka na okolakiciye iyuha wocekiye wowapi kin he sanpa ilagyapi waste iyukcan, na econpi ehantans tokeša he eciyatanhan okolakiciyepi kin okiwanjipila kta e wawokiyin kta cin hee keya. Wanna omaka tona wocekiye wowaste kin le Lakota luhapi, ienickakapi cankel, hecel niš eya lila teyahilapi waste, na ohinni ilagyayapi waste.

China makoce kin eka Yewicacipi Bishop Graves unkitawapi tipi wakan wan eka hi na el aketopa wicayusutapi opapi.

Hekta June 17 he ehan Saglaša makoce kin el St. Andrew Sunkakiciyepi kin he ataya omniciye econpi. Itancan tawapi kin he te cigon hecel iyokihe kin he itancan yanka na iyohakab ataya itancan kta yustanpi. He Lord Nelson eciyapi.

THE DAYBREAK.

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription is 30 cents per annum in advance and may be paid in one or two cent postage stamps.

Single subscriptions for six months, 15 cents.

Fifteen or more copies to one address for six months, 10 cents each.

All subscriptions and matter for publication should be addressed to

Rev. E. ASHLEY,
Obeyenne River Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notices and accounts of my official acts and visitations. I hope our people will take it and circulate it.

W. H. HARE,
Missionary Bishop

Entered at the Postoffice at Forest City, South Dakota, as second class matter.

Published at the office of the FOREST CITY PRESS, Forest City, S. D.

OKOLAKICIYE WAKAN WIYAWAPI.

August wi kin.

6. Christ Wayutokecapi kin....

(Yamni ohakab Anpetu wakan iwicemna kin.)

13. Yamni ohakab Anpetu Wakan iakewanji.....

20. Yamni ohakab Anpetu Wakan iakenoppa.....

24. St. Bartholomew Taanpetu..

27. Yamni ohakab Anpetu Wakan iakeyamni.....

Wotanin-waste Ayapi On Wocekiye.

Anpetu iyohi wicokaya he cin ehan heyapi kta.

Wanikiya waste isto wacantkiya nitawa kdugad, canicipawega akan otkeyahan yaun tka qon, maka akan wicasa un kin owasin Niye ekta etonwanpi qa niwica-yapi nunwe. Amen.

OKOLAKICIYE WAKAN WIWICA-WANGAPI WAN.

Woonspe Iwicemna topa sanpa topa.

Easter Anpetu.

W. Easter Anpetu iyehan Okolakiciye Wakan kin taku kiksuya he.

A. Christ ekicetuyapi kin he.

W. Otokahe ekta Christian unpi kin hena tokel Easter Anpetu kin cajeyatapi he.

A. Wokiksuye Itancan kin he eyapi, na iyotan tankaya yunnihanpi ece.

W. Easter Anpetu tokaheya qon toketu he.

A. Malipiya eciyatanhan Itancan Taogligle wan kul u, na tiyopa kin etanhan inyan kin yuptanye ca akan iyotanka.

W. Ogligle kin tokel tanin he.

A. "Ite kin wakangli iyececa, na hayake kin wa iyecel ska, na kokipapi kin on waawanyakapi kin hena lila cancanpi, na wicasa tapi kin iyecel ayapi."

W. Ihanna hea tuwa ca ognakapi kin el hipi he. Lukas 24:10.

A. "Mary Magdalene, Joanna, na Mary, Jacob hunku kin, na Salome, Zebedee tawicu, James tanka kin na John hunku kin."

W. Ogligle kin he winyan kin taku ewicakiya he.

A. "Lel un sni, wanna iglucectu, heye qon iyececa. Kuwa po, Itancan tuktel iyunke qon he wanyakapi ye" eya.

W. Ogligle wakan kin taku eonwicasi he.

A. "Kohanna glapi na wicate cin etanhan kini ce, waonspewicakiye cin owicakiyaka po" eya.

W. Waonspewicakiya kin hena owicakiyag iyayapi qon tuwa ca itkowicakipa he.

A. Jesus itkowicakipa na "Wiyuskin po" ewicakiya, na iyepi Jesus oholapi.

W. Hehan Jesus winyan kin taku econwicasi he.

A. "Mihunkawanji owicakiyag ya po, Galilea ekta yapi kta, na heciya wanmayakapi kta" heya.

Easter nakun.

W. Jesus kini qon ohakab tuwa tokaheya el iglutani he.

A. Mary Magdalene, etanhan taku wakan sica sakowin elipekiye qon, he tokaheya taniniqiya. Markos 16:9.

W. Hehan tuwa el iglutani he. 1 Korinth. 15:5.

A. Simon Peter, nahan Kleophas na waonspekiye unma kin kici, Emmaus ekta yapi icunhan. Lukas 24:15-34.

W. "Waonspekiye unma kin" he tuwa he.

A. St. Luke Wico. 24 iyukcan-yan yawapi kinhan, "waonspekiye unma kin" he St. Luke he iye ca ablezapi kta. Icin tuwa ie cin nahan wotanin waste kin owa kin he owanjila.

W. Itancan Taanpetu tokaheya, litayet kin el, toketu he.

A. Itancanunyanpi kin he waonspewicakiye el iglutani, St. Thomas ecela el un sni, na hewicakiye, "Wookiye nicipi un nunwe." Ata tokel uma si kin he iyecel mis yecisipi. John 20:21.

W. Ohakab watohan ake Jesus waonspewicakiye el iglutani he.

A. Iyohakab anpetu saglogon qon he ehan St. Thomas owicapeya un.

W. Nahan tuktel akewanjipila kin Jesus wanyakapi he. Matt. 28:16.

A. "Galilee ekta, paha wan Jesus cajeyate ciquon hetu."

W. He ehan Jesus tokel woopa wicaqu he.

A. "Ya po, oyate kin oyasin onspewicakiya po, na Atayapi kin, na Cinhintku na Woniya Wakan caje kin on Baptisma wicaqu po" eye con he.

W. Ake watohan iyepi el iglutani he. St. John 21:4.

A. Tiberias ble kin el, he ehan Peter, Jesus wastelaka hecinhan

yamnikiya wiyunga, na "talica sunka na cincala ko tawa" wol-wicaye si.

W. Itokan ataya ptayela tona Jesus wanyakapi he.

A. "Hunkawanjinkiciyapi opawinge zaptan wanyakapi. 1 Korinth. 15:6.

Easter nakun.

W. Wanikiya ognakapi kin a-wanyakapi kin, kini kin on taku eyapi he.

A. Wosna kagapi kin ekta yapi, na taku econpi kin oyasin owicakiyaki.

W. Wosna kagapi kin wokiciglakapi ohakab tokel econpi he.

A. Unkistinmapi icunhan, waonspekiye cin hanhepi el icunhan Christ tancan manonpi, eyapi kta ca opewicatonpi.

W. Akicita kin tokel econpi he.

A. Tokel onspewicakiyapi kin iyecel econpi; heon wicoie kin le Juda oyate kin el oyakapi ece anpetu kin lehanyan.

W. Jesus tancan yuha icipaweli okatanpi qon, he iyecel yuha kini ce, tohinni waonspewicakiye cin wicakiyuwicaka he.

A. Jerusalem el, akewanjipila yuwitaye yankapi na Woekicetu kin iwokiciglakapi qon, he ehan nape siha ko el ocape kin wicakipazo, na om wota.

W. Untancanpi ekicetuyapi kte cin on tokel St. Paul eya he. Philipi. 3:31.

A. "Itancan, Jesus, unkitan-canpi hanye cin he yutokeca kta; na Iye tancan wakan ouncege kin el icaliyin kta" eya. Na St. John eya, "Iye iglutani eca iye iye-uncetapi kta e slolunyanpi."

W. Lecel uayotokecapi kte cin, woakipa wanji etanhan un-kablezapi kin he tukte he.

A. Christ yutokecapi qon he, he ehan "ite kin anpetu wi iyecel iyega, na tawokoyake iyoyanpa iyecel ska."

W. Woekicetu kin on tokel Jesus eya he.

A. "Anpetu wan hi kta ce, wicasa wicahapi kin oyasin hinapapi kta, tona waste econpi kin hena wiconi woekicetu ekta; na tona taku sica, econpi kin hena woyasu woekicetu ekta hiyupi kta" eya.

Wowapi Wakan Yawapi Wawokiya. HOSEA.

1. Hosea (wowanikiya he kapi) he waziyata (Israel) oyate wokiconze kin etanhan. Isaya itokab wokcan opa, na hehan kici econ, na waniyetu wikcemna sakpe, Israel wicasayatapi ohake sakpe-Jeroboam inonpa etanhan, Hoshea eciyapi kin hehanyan-skan. Jeroboam inonpa taanpetu icunhan akantanhan oyate kin iyooptapi seca, qeyas, wicohan siksiya yukan, na wicasa kin he te cin ohakab woskiske wan kagapi qon he el tanin. Jeroboam

tokaheya kin taku wakagapi ohola qon etanhan wicohan sica econpi ace; wosna kagapi kin, maka ataya wacekiyapi el wosteca wocon onspewicakiyapi; Wakantanka aktanapi, na itancapi kin woteli yuhapi kin on owicakiyapi kta e Asur nais Egypt iwacinwicayapi.

2. Wowapi okage cin. Hosea tawowapi kin el taku wicohan ikceka on wiyacin ecee, zitkala wicagmunkapi, wojupi, wayuksapi, su nakanyapi, na aguyapi spanyanpi hecekcel cajeyate. Hecel taanpetu kin icunhan tokel opiciciyapi kin unkociyakapi. Winyan kin oinni na wanapi on igluwastepi; okilpapi na wohanpi anpetu kin hena icunhan lila iyuskinpi; he ipa akan wanyusnapi, na paha kin akan, utuhu can, waga can, na wazi can ihukuya wazilyetonpi ecee; icunhan wawayusnapi kin hena wicohan tawapi aktanapi, na "wamanon sa okolakiciye iyecel wicasa iyawicapepi na Sekem ekta canku iyagle cin ogna tilwicaktepi ecee." Wicohan sica tanka kin on wicasa wokcan kin le iyokisilya na yaksaksa ie. Hecel "iapi oegle iyohila yatinsya, na wicahapi kte cin on wohlapi kin iyecel ie" ca Dr. Pusey eye con ognayan.

3. Wowapi kin le onspa itancan nonpa on kiyusnapi. tokaheya (Wico. 1:3) kin han Hosea wiyacinpi kin yake. Cinsa nom kicito tawicu witkowinna ohan jeyate cin, he oyate ki kantanka itokab wakagapi oholapi kin he wowapetokeca, heca. Winyan kin he iglusice qon he iyecel anpetu ota Israel oyate kin wicasayatapi, wicasa itancan, wosnapi, ephod (maku akalipapi) na taku wakagapi ko cola unpi kta, tohanyan oyate glicupi na Taku Wakan tawapi, Jehowa hee, okilepi sni hehanyan. (Wico. 3:4, 5) Onspa inonpa kin (Wico. 4:14) el Israel oyate walitaninpi kin on woiyaonpe ecakel na yatinsya cajeyate cin hee, na wokcanpi kin le el oyate owotanpila sni, wakagapi oholapi, Wakantanka wacinyanpi sni, na ekta glicupi kta cinpi sni kin on lila iyopewicaye.

4. Wowahokiciye Teca kin el, wowapi kin le etanhan woeye to na akta cajeyatapi kin he wawacin hea. Itancanunyanpi kin, "Wowaconsila he wastewalaka, na wosnapi sni" woeye kin cajeyata (Wico. 6:6; Matt. 9:13); na ake Iye, St. Luke 23:30 el, na St. John (Wayuotanin 6:16:9:6 el) Hosea okinihan woeye kin le "Hehan he kin Unkakahpapi ye, na Paha kin Unkahinpaye piye eciyapi kta" eye con he cajeyatapi. (Wico. 10:5) Hosea Wico. 11:1 el wicoie kin he St. Mattheos 2:15 el Wakanheja Wakan kin Egypt etanhan kicopi qon on cajeyate. Nahan St. Paul, Roma. 9:25, 26 el, Hosea cinsa caswicaton qon he ieu na Christian wicohan kin on wayupiya cajeyate.

ROSEBUD ETANHAN.

Mr. Thomas Dorian (Peliwaakinica) ta

Anpao kin: Easter Anpetu qon heehan kolaunyampi waste kin le unkiyepi etanhan wooziiciye makoce ekta iyaye na "wicasa owotanla kin owihanke wanin kiksuyapi kta ce" wowapi wakan eye con awicakehan wicasa kin le he iyowaja hea. Ito tohan kin na tawacin kin wanjigji awaunkici-cinpi kta heon onahonciyapi wacin. Kolaunyampi waste kin le wanna wicafca, waniyetu 78 hehan ta. Yunkan ehanni tokel olan na onnye cin eciyatanhan lehanyan ni un kta iyececahaniyan ote kpaganyan opiciya tka lehanyan ni kihunni. Yunkan Wakantanka towaonsila on hececa he unkecinpi, eciu wicasa waste kin le ote kpagan ce epa yunkan he wicohan waste on "wolakota" kta cin na iyecel ohanye lo. Na wicasa waste kin le wasicun cinca heca na nakun lakota kin kiksuya na olan on iyecel iglutani e wanyakapi. Na iape obe yamni on ia okihi, lakota ia na nakun wasicun (English) ia okihi, na iyamni kin he wasicun ikceka (French) ewicakiyapi heca ia okihi on, French heca wicasa ca ateya ca tanin. Na heon wasicun na lakotapi kin iyokogna han owicakiya cin wicawala wolakota kuwa na woiyotiyekiye akipa tika. Ecin ehanni ikcewicaa ob ocikte wicawala na tuktelktel o- kagapi on oyate anukatanhan na iyotan ikcewicasa kin woiyotiyekiye na woiyoki- sice yuhapi qon hena wicasa waste kin le lehan oyate tanyan unpi na Milahanska oyate na Ikcewicasa ob olakolkiciyapi na lehanyan wokicize wanice na Ikcewicasa kin lehan oiglagya unpi sni na napeyakel unpi sni, na oyate kin lehan waliwahyela, okablaya unpi, kin he waste kta wicasa waste kin le eye na kuwa qon ehanqon wicaka e lehan slol- unyanpi na piunlapi kta iyececa. Wicasa waste kin le akicitapi kin el tonweya (Scout) ewicakiyapi kin waniyetu ota heca un, na makoce slolye cin on akicita ospaye tanka, wicasa kektopawinge wanjisam iyeya makoce tehan lel el onunyanpi kin leha alataya na tanktanakaya wicayuba omani; na nakun wicasa kin le mazakan on wayupike na waoka on lehan wicalcala tuktelktel witaya yankapi can cajeyatapi sa, na tokel wicasa kin le wicowahwala kuwa na olakol ka i ka el Ikcewicasa kin iyena sna lila woakinica, tohan wicasa kin le ungnuhela tiwegna iyaye can wicasa kin hunli ktepi cinpi na iyotan tuktelktel mazawakan pa kin aglegle yuzapi na mazawakan on wolitakapi kin ota, esa taku kuwa kin on tohinni natonke sni na walitaka, na

awicakehan wohitike ce eyapi. Ho hecel lehanl wolakota na wicowahwala yuke cin he kaga ce na on lehan wolakota wicasa qon ta ce unkeyapi. Yunkan nakun wawalitake yuha na ohitika ce unkeyapi kin awacinpi waste, eciu wicasa waste kin le ohitike cin wicaka na he wowicake, lakaš takuni kokipe sni qon iyecel nakun wocekiye kin kokipe sni opa, na walitake cin iyecel Okolakiciye wakan kin el hecena wawalitake yuha na walitagya "Christ wapaha tawa kin ihukuya okicize eon, wolitani, maka kin le, na wakansica hena kipajinyan, na tanweya na wolakota kaga wicasa waste kin le nakun iyotan lei Christ taakicita na tawowasi wacinyepica heca ce eyepica. Na wicasa kin le ehanni ohitike yunkan lehanl canlwanka na taku oyasin kokipa ce wicasa eya ilahapi sa yunkan awicakehan iyes cante tinza na ohitike lakaš Ikcewicasa wicohian kin hena eon he sni, na cante tinza lakas wolitani wicohian sice kin hena el wayakaciye sni na ohinni wiko- pe un, wicohian sice cin hena el canlwanka, yunkan hecetu na wicohian waste el awicakehan cante tinza. Ho hecel tona wanna wicasa tankapi kin le awacinni waste, Ehanni tuwa ohitika can he wicasa kiya ocaš tanin un. Yunkan wicasa kin le hecel un esa hena wanna henala na hena wowitan, woiqlatan heca yunka hena on wanna lehan tuweni wicasa kiciyapi sni aya, heon wicasa kin le Ikcewicasa wicohian on ocaš taninyankel un tka wanna henala qonhan, hecena taku el un na wicasa ieiwin na woowotanla el na wawalitake kicun na Okolakiciye wakan kin el opa na hel wicasa iglutani na iyecel ohanyan. Na wicasa kin le eciyatanhan taku wanjigji unakablezapi waste, eciu awicakehan Wakantanka wicasa kin wowiyunya maka akan ni un kin icunhan, na wicasa kin le maka akan oju na wanna iyehan- ti, wanna suton, heon Wakan- tanka glukse ce unkecinpi, na taku cin na kuwa un qon hena etanhan wanna okilipayin kta wooziiciye makoce kin el; na unkiš woonspe aliheunyanpi kin he lee, wicohian sice el canlwankapi kta na wicohian waste el canteuntinzapi kta na waunlita- kapi kta na unkohtikapi kta. Wicasa kin le nakun B. C. U. opa ye lo. Nitakuyepi miye, Dallas Shaw. Sagdašin Okodakiciye ekta yewicasi- pi omnicieye tawaniyetu opawinge kin i- cunhan Bishop Whipple [Pahinhanska] en tawowahokoniye wan. (Rev. Wm. Holmes iesku.) Bishop Atewicunyanpi qd Christ en hunkawanjideciyapi kin. Wanna waniyetu wikcemna to- pa Bishop waun kin he icunhan

omnicieye okinihan nitawapi kin den Okodakiciye wakan wan ta- kuku kin etanhan wowastedake on niyoepayapi wahinawajin kin he woyuonihan wahdawa. Omnicieye kin de ohnayan tona oiyehton najinpi qd nakun tona ohnayan wacinyan tapi kin hena on woiyuskin unyuhapi. Omnicieye kin de ohna tona ltani- pi kin eciyatanhan tona Taku wakan sdonye sni oiyoqpaza ehna unpi qon hena Iyoyanpa ekta a- wicahdipi qd Wakantanka eicawicaye qd tawaciya ewicahdipi kin hena taku wicunyanpi hea un- hdawapi. Omnicieye kin de ohna wicacaje tona waditagya najinpi qd ohnayan wacinyan tapi kin he- na unkiye untipi kin timahen iwowicunhdakapi ecee. Owasin tiwahe wanjidan unketanhanpi, qd Wakantanka decen eon kin he wicaundapi, "Wicawe wanjidan on, wicasta oyate hiyeye cin owasin, maka kin owancaye etipi kta e wicakaga;" na "Jesus Christ he wicasta owasin on ta," qd "Wicacaje tokeca malpiya kin ihukuya wicasta wicacupi, on unnipt kte cin wanica," qd Christ unkiye wasteundakapi kin on Iye tona wastewicadake cin hena un- kiš wastewicundakapi kta he wi- capundapi, Wakantanka Iye to- ksape kin eciyatanhan oyate un- nonpapi kin cantekiciyeunyanpi qd unyuekonwanjipidan qd eciya- tanhan oyate maka ohnaka kin owasin Wakantanka en ihduce- tupi kta on wicohian tawa kin un- kayapi kta e okihiunyanpi. Omnicieye nitawapi kin de to- kaheya kagapi qonhan maka kin owancaya Taku wakan sdonyapi sni qd wiconte ohanzi kin he owancaya wanka. Qd Christian Okodakiciye kin he tona awihnu- nipi kte cin hena howewicakiye cin icunhan nogekpapi. Unkan Atewicayayapi kin hena Christ wastedakapi kin de iye cantepi kin ojupidan qonhan eciyatanhan yewicasipt kin de ayapi kta e ohna inajinpi. Omnicieye nita- wapi kin de wicowoyake tawa kin eciyatanhan wacintankaya qd wo- wacinye yuha waditagya najin. Eya tuktektan woape tawa kin wanjigji tetanhan iyecetu sni, qd taku wan eon kta konze cin hena nunh atakuni sni ecee. Qd tona wacinyan unpi qon hena tapi qaiš yewicasipt wicohian qon ihangyapi hececa yukan, tuka he- cece esta oyate wicota "Wicoka- kije tanka etanhan upi qon dena eepi, qd wokoyake hdujajapi, qd Tacincadan we kin on hduškapi" qon heon woiyuskin unyuhapi. Tiyo pa wan tehan natag he ci- qon wanna yuzamnpi, qd maka owancaya qd nakun okami esta ekta aiyahdeya Christ wotanin waste tawa kin ieyanpahapi kta e yugan yanka. Ohnihe wakan toie qon he unnogepi kin en atatin, "Itancan unkitawapi, qd Christ tawa kin, maka wokiconze kin tawaye ca ohinniyan en wicastayatapi un kta ce" eye ci- qon he. Omnicieye nitawapi kin he token ltani kin eciyatanhan decen epe kta wacin. Nicincapi qeya Anderson, Machray, Horden qd nakun toktokeca hena wicasta kin iyoyamya najinpi kin on wi- casta wicayutitan okihipt qd on oyanke toktokeca ekta ltanipit kte cin on atonwan wicakuwapi on iyopteiciyapi ecee. Mis miye hea micante kin en sdonmicieye. Ikcewicasta ehna yewicasipt wi- cohian kin de ayapi kte cin oiyo-

kpasya wanka esta, iyepi eciya- tanhan wowaditaka qd woape iyacu. United States en Okodakici- ye wakan yanke cin qd yewi- casipt wicohian kin he eajabdate kte, Oyate icicagapi kte cin on okicize qon qd enakiyapi kin wa- hehan Okodakiciye wakan kin he canadetka wan seca qd ataku- nišni aye cin he iyececa tka, wahehan wicacina wanjigji wi- cakaonspe, Washington, qd Jay, hena wicawaka, qd nakun tawai- ciyapi wayatanin qon hena owa- sin kinin Okodakiciye wakan kin de en miniawicakaštanpi kin he- capi. Tka waniyetu opawinge nom lehanyan America en Oko- dakiciye wakan yanke cin he Bishop codan un, nakaš tawa- kanheja kin he wanjidan wicayu- sutapi wicohian kin ieu sni, qd tu- wedan wicasta wakan kagapi sni, tka eyaš tuwe heca kagapi kta ehantanhanš miniwanca akasani ecedan kiciyustanpi ecee. Otoka- he Bishop unkitawapi kin hena Wakantanka eciyatanhan wicasta canteoyuze tankinkinyan kin he- capi. Bishop tokapa ehake un- kitapi kin iapi decen eya, "Okodakiciye wakan kin ohnayan token onnyanpi kte cin decen kasutapi kin he "Bishop Seabury he patawanjidan qd walibayedan mani, qd Bishop White, waliba- yedan qd patawanjidan mani." Omaka 1811 heehan Okodaki- ciye wakan kin de wiconi teca- wan en kika, qd Bishop Hobart he "Yewicasipt taanpetu kin iciyaza eon qd towicakepi lice cin on wotanin waste oyakapi kin" he ohnayan awanyaka. Omaka 1835 he en makoce unkitawapi qd miniwanca sanpatanhan kin on Yewicasipt omnicieye kin de kagapi qd tokiyofan wokonze ehdepi qon he tuwe wan miniaka- štanpi ehantanhanš wanna he ye- wicasipt omnicieye opa ce eyapi, unkan he anpetu kin en taku cistinna econpi secececa, esta makoce unkitawapi qd miniwan- ca sanpatanhan on yewicasipt womnaye qon he waniyetu yamni unkan mazaska 37,000 mnayanpi. Qd omaka 1835 qon hehan Rev. Jackson Kemper he tuwe wan, Bishop White okiye qon he to- kaheya Yewicasipt Bishop heca kta e yuwakanpi. Heehan wi- yohpeyata makoce otankaya qon he hewoskantu kin heca, qd Mis- sissippi wakpa oinkpa kin hetan- han qd Mexico miniwanca okami kin aiyahdeya Bishop Kemper o- mani, qd wicacina icagapi kin isnana toltani kin yawapica sni. Hehan omaka 1898 qonhan ma- koce unkitawapi qd miniwanca sanpatanhan on Yewicasipt omni- ciye kin Tawomnaye qon he ma- zaska 587,720 henakeca, he icun- han makoce unkitawapi kin en yewicasipt oyanke 1,126, na mi- niwanca sanpatanhan 518 wicun- yuhapi, qd Bishop wikcemna šaglogon sanpa zaptan waawan- yaka unpi. United States kin en oyate ocaje toktokeca wicotapi qd hena yuwitaya tawaciya unpi kta e cinwicakiya, qd America makoce kin en Wakantanka wicada sni kin he okodakiciye obe ota ohna- yan ikpazopi, qd hena owasin okodakiciye kin isnašnana eon ohnayan ihduhapi. Otokaheya oyate tona miniwanca ohuta kahda etipi kin hena wicota wa- šicun iapi unkitawapi ohna. Sa- gdasa woonspe tpi wankantuya hiyeye cin en onspeiciyapi.

Heeban Okodakiciye wakan kin he wacantkiyapi, wicotawacin tanka qa wowaonsida yuhe ces okodakiciye obe toktokeca ota yuke cin hececa kte sñi tka. Tonakeca Tuwe Yamni tka Wanjidan kin he towaste qa Caje kin on miniawicakastanpi, qa Jesus Christ he woahtani wicakicicaju-ju qa wicayukonwanjila kin on wowanikiye akitapi, Woniya Wakan towasake kin on ihduwakanpi qa ihdute capi, Wakantanka wanjina qa Ateyapi wanjidan litakini kta cinpi kin tka tiwahe wanjidan en oonyanpi sñi waunyakapi kin he oiyokišica. Tka isanpa Okodakiciye Wakan ehan-tanhan najin wowicake wan yuhe cin on Itancan kin eciyatanhan wowanikiye yuhapi kte cin wicadapi keyapi qa hinakaha akos maga kin de en woinatake wicašta akantu kagapi qa on wicašta wicayutokanpi kte cin iyowiniyapi kin on he iyotan oiyokišice. Dehan oyate kin iye cantepi kin en okodakiciye obe toktokeca ota wanke cin hena etkiya ninah wiyukeanpi kin hee sñi, tka woiwange kin he decetu, de ocon kin ee qaiš ka ocon kin he tukte wanj en wowacinye ekihnakapi kta hecinhan eyapi sñi, tka wowacinye unyuhapi qaiš unyuhapi kte sñi hee. Ketopawinge ota woiwange deco-keen cetun hdaya iiciwangapi qa een waciyeyapi sñi ece. "Wakantanka yukan he" "Tuwe wanyotanin he" "Tuwe wakaska aya he." Dona woiwange kin wicašta en wiyukeanpi kin hee, unkan dena woiwange kin he wicaceli wokakije qa walitanipi sa kin owasin iyowiahi, Okodakiciye wakan unkitawapi kin he wicowoyake tawa kin iyayustag okiciyag au qon he wicašta ec-tunhapi qaiš akinicapi yuke kta, qaiš Christ toni oyakapi kin hena ilahapi yuke kta naceca ešta, ege Christ niun kin he unkiyepi mahon oonyan, qa ieunkiyapi, qa unkiyepi litani unkihutaninpi kinhan he analmanpi kte cin okihipica sñi. Okodakiciye obe toktokeca ota kin heon maka kin ohiyapi kte cin hee sñi. Wicašta wocanzeka tawa kin tohanwan-tuya yuha škan qeyas tohinna obe otakiya kin dena asniye kta okihi sñi, tka tuwe okihi kin he Wakantanka ee. Tohan Christian kin cante hduwiyeyapi qa icupi kta cinpi kinhan hehan owanjipidan kta. Tohan owasin Christ wašteundakapi qa Iye tona wašewicadake cin hena unkiš wašewicundakapi kinhan hehan oonwanjipidan kta.

United States en Okodakiciye wakan yanke cin he oyate ocaje toktokeca ota unpi qa icunhan nakun okodakiciye obe otapi kin dena tukten yuwitaya-sunkakiciya awicahdi kte cin he woiwukoan tanka tawa kin ee. Christ itokam Jew qaiš Greek, qaiš wwidake un kin, qaiš tawaiyapi wanica tka owasin Jesus Christ en owanjidan wookihi yuhapi kin he sdonunyanpi sñi unkanš uncantepi kin hukud iyayo kta. Makobašpe mitawa kin icokatanhan otonwe wan en wicanagi 200,000 unpi, unkan he etanhan 50,000 Scandinavian oyate hecapi. Okodakiciye wakan kin otokahe Bishop wicayuwakanpi qon woop kage sñi, qeyas "Taku owasin waonspekiyapi kta e on econpi nanwe" eyapi qon he ohnayan Swedish wicašta heca wošna kage wicunkagapi, qa Swe-

den ekta okodakiciye yanke cin ocon tawapi kin ohnayan ihdo-yewicunkiyapi hecen wanna Swedish wacekiye oyanke šakowin icahiyapi. Qa hekta General Convention ehake econpi qonhan, Minnesota obašpe en token econ kin ohnayan wookihi yuke kta yušanpi. New York otonwe kin en wacekiyapi oyanke wanj en Itancan Taanpetu kin ehanipi eca iapi ocaje šakpe on wocakiye ocon kin econpi ece. United States en Okodakiciye wakan yanke cin en wicašta ikceca unpi kin hena iye hopi kin qa woiwange tawapi kin owasin ohni okodakiciye wakan kin token litakinipi kte cin hee ece, wocakiye omniciye hiye cin, qa makaobašpe hiye cin, qa okodakiciye wakan kin oyate ataya on omniciye econ kin owasin en optayetonton unpi. Hena Okodakiciye wakan kin en taku tohanyan iyowajapi kin atonwan najinpi qa wicašta wakan tawapi kin owicakiyapi, qa wicohan tona econpica kin owasin econ unpi.

Okodakiciye Wakan Owancaya kin de yewicašipi wicohan tawa kin on Christ tancan kin kiunniyanpi kin hena asniye kte ca Wakantanka Tawookiye canwihdi ape kin de yuha najin qa "Wicašta, he takuunniyanpi do" eya yanke kte cin he wicaundapi.

Okodakiciye wakan wan woyakapi yuhe ca Yewicašipi taanpetupi etanhan iciyaza u qa dehanyan un kin he tokata Okodakiciye wakan un kte cin ee; hececa ešta tuktenkten decen awauncinpi ece, Jerusalem Teca, mahpiyatanhan hukud u qa winyan wan wicašta wan hinhuaye kta e wiyeya un qon he dehan wicašta taniyohi iye token cin kin hecen Wakantanka etikiya woonspe icicage ca he ohnayan ihdoye ceyas he hecetu e keunkecinpi ece; tka Okodakiciye wakan wan tokata owanjidan ohna eyaye kte cin he Wakanpi kin wowacinye wan wicacupi qon he ohnayan kte, qa woohoda ocon tawa kin he wowacinye kin de yuatanin kte. Nakun wookihi unqupi qa ohna tawaiyapi naunjinpi kin de tokata unmapi kin ohna yapi kte, kinhan Okodakiciye wakan tawocakiye woccon kin sam owanyag wašte kte, qa Tacinodan kin tawicuye kte cin he mnihuha ska wan wašte e in kta ca he wakanpi kin wootanna tawapi kin hee kta. Christ he Taokodakiciye kici un, mahetuya kici najin qa hetanhan wicatanhan kin he awicakehan wašewicada keye ca iye tawa kanheja kin cantepi kin eu ewicakihnaka, hecen dehan wocakiye obe toktokeca ota qa woiwukcan ota ešta tokata wicake hee cin he yuspica ya injin kta, qa wocakiye ocon toktokeca qa togtogye ahdaonspepi qon dena owasin Christ en wowaštedake e on unyuwitayapi qon he iyecen unwanjipidan kte. Dehan taku otakiya kin dena on wicotawacin kin tinsya iwanke kte cin ocon šica ece, hecen ito ehanna woeye wan eyapi qon he unkiš iyecen unkeyapi kte, "Wokonze qa wicohan kin de wicašta akantu kin etanhan hecinhan atakuni kte sñi; tka Wakantanka eciyatanhan un kinhan yujuju oyakihipi sñi; okini Wakantanka kici yeciza dukanpi kta naceca."

Omaka wanj ake unkihunpi eca piya mahetuya sunkawicun-

yanpi kin wašteundakapi ece, qa tona okodakiciye toktokeca etanhanpi kin hena wicota Christ token ke cin ecen manipi kte cin wanwicunyakapi ece. Eya icamna oiyokišica tuktekin yuke kta, tka Christ wata wan ohna un qonhan is eya ataja tka oiyehantu unkan Iye e kišice ca ohiye. Christ wowaštedaka tawa kin heon owasin icikiyedan ikiciyayeyanpi qa Yewicašipi wicohan kin sam econunkiyapi.

[To be continued in next number]

WOTANIN IKCEKA.

Congress el House of Representatives (Kalinili opapi) itancan tawapi enakiye qon, na wanj tokca yuhapi kta seca kin he David Brenner Henderson, Iowa State etanhan ee kta ce eyapi.

Hague ekta mniciyapi unkeyapi qon nahali škanpi na taku lici yušanpi sñi. Eya wokicize ataya ayušanpi kta e iwoglakapi tka he toka kte sñi selececa. Eša taku wanj kapi na tokiyotan kte cin he lila iwokiciglakapi. Tokata oyate nom taku akinicapi na on kiciyapi kta sece cinhan econpi sñi ecel oyate tokeca etanhan anukatanhan wicaša wicakicopi na he iwanyagwicašipi na taku akinicapi kin wokicize cola woyušanwicakiyapi kta he kapi keyapi.

Philippine wita ekta sanpa akicita ota ekta yewicašipi kta. Lehan akicita ošpaye teca wikcemna kagapi kta na hena yušanpi na ekta hipi kinhan akicita koktopawinge opawinge el unpi kta na hena on Filipino oyate ohiyewicayapi kta kecinpi.

Hekta lecala miniwanca kowakata Germany makoce kin ekta na Berlin otonwe el Cagu yazanpi kin on omniciye wan econpi. Woyazan kin he tokel icaga na taku etanhan icaga na tokel anaptepica kin he iwoglakapi. Ptewanyanpi kin wayazankapi na asanpi kin yatkanpi kin etanhan outkan icaga kecinpi, tka akos na iyotan wicaša cagu yazanpi eca wicaša toktokec icaiyalpeyapi na heon woyazan kin lila icaga. Le wicakapi kinhan Lakota kin talo wašte, zani kin ecela yutapi, nahan tuwa hecel yazan hinhan oyangkiciyapi kte sñi e iwanyakapi wašte.

Egypt oyate kin ehanni wašakapi ca wowapi wakan etanhan slolunyanpi, tka ocib wašake sñi ayapi na wokiconze toktokeca wicayuzapi. Ohanketa Saglaš oyate kin awanwicayakapi. Iyunkan wanna waniyetu tona econpi na heon oyate kin tanyan unpi. Eya iye tawaiyapi se škanpi tka tokiyotan econpi kta wašte kin he Saglaš kin yusawicaye, lakaš lecala awanwicayake Itancan kin he woglaka na eciyatanhan on Egypt oyate kin wokišiciye na wokamna kin on tanyan iyoptapi keya.

Le bloketu kin tateiyumni ota selececa, lakaš Wiyukoza paha kin etu tipi tona yukpan ehpeya na wicaša napciyunka on tpi. Hehan ake Wisconsin State ekta na New Richmond otonwe kin he ataya ihaugyapi na wicaša opawinge kin wicakapi šakpe w-

caktepi, na opawinge tom sanpa wikcemna yamni otonwicayapi. Hecel otonwe kin hel lila otehika. Eya wašicun lehanyag tipi kin tokel okihipi wicaša tona tate icakijapi kin woyute na mazaska ko mnawicakiyapi na onšiwicakilapi. Nebraska State kin el otonwe wanjikji tate iyumni on waakipapi tka iwaštela.

Mašte makoce kin el wašicun wan tateiyumni kin awiyukean na anapta okihi keya. Otonwe wanj oise topa kin el mazakan tanka glepi wašte, na tohan malipiya okokipe wan au cana awanyakapi na kiyela u kinhan calili na miniskuya okšupi na on kutepi kinhan bohiniyeyapi kta pica keya!

London, England ekta Winyan omniciye tanka wan—International Congress—econpi, June 26 etanhan July 5 hehanyan. Le okolakiciye wakan omniciye heca sñi tka winyan taku iwaštep na oyate iwaštep kta hecinhan he iwoglakapi. Yunkan winyan kin hena United States, Canada, Great Britain, Germany, Italy, Sweden, France, Holland, Denmark, Belgium, Finland na Switzerland etanhan hipi.

United States kin he wokage na takuku wiyopeyapi ece kin on itancan unpi. Lakaš makaowan-caya wokage kin he wiyopeyapi, hecel makoce totokecapi kin kawicapapi.

General Alger, Secretary of War, Akicita on Tunkanšila okihe kin he Michigan State etanhan Senator beca kalnigapi cin na ogna kuwa.

Alaska makoce kin he el Šunkawakan wowilagyepica sñi, hecel šunka tanka heca ilagwicayapi.

France makoce kin el, nahan United States el lehan campagni šunkawakan cola heca lila unpi. Na tokata otonwe tankinyan kin el heca ecela ilagyapi kta keyapi.

Russia makoce kin he el lehan wicaakihan tanka ca oyakapi.

Hekta Soudan, Egypt makoce kin el Saglaš oyate ohiyewicayapi. Yunkan Soudan el wicaša woyawa tanka yamni ecetu waošpepi sñi yukanpi keyapi.

Hampton, Va. el owayawa kin hekta June 15 qonhan asnikiyapi on enakiyapi. Iyehan wanjikji wayawapi iglušanpi na enakiyapi. Hošwoju etanhan koškalaka wanj Mr. Henry Fielder (Wata yuhala cinca tokapa kin) he etanhan gli.

Haliatonwan makoce kin el wašicun ota nalimala el etipi qon wanna Tunkanšila Okihe kin habwicaye wicaši.

Admiral Dewey tuwa Manila ekta Spaniola tawata ihangwicaye qon glicu. Eya haniya ku na tokeša wiyohiyanpata ohuta kin el gli kta tawata kin ogna.

Board of Missions kin etanhan wowapi wan lecala kagapi na Sep. 1st itahena mazaska 30,000 cinpi keyapi. Eya tanyan wamnyanpi keyapi tka wicohan kin lila icaga cankel mazaska sanpa ota cinpi.